

姪戒第三

丙三、姪戒（五戒：不邪姪。八關齋戒：不姪）

丁一、誠勸（制意）

丁二、邪姪戒（五戒）

戊一、列示犯緣（以三緣成不可悔¹）

己一、犯境（四處三趣，同犯）

己二、犯相（正道，女三處、男二處；非道，餘處）

戊二、料簡雜相

己一、已配嫁、未配嫁

己二、同性行姪（男男）

己三、不與值、與值

己四、姦屍（身根未壞）

丁三、不姪戒（八關齋戒）

丁四、未受戒（破他梵行）

丁五、結示（淨戒不可虧犯）

¹ 具緣成犯

◎《五戒相經箋要》：姪戒以三緣成不可悔：一姪心，謂如饑得食、如渴得飲，不同熱鐵入身、臭屍繫頸等。二是道，謂下文所明三處。三事遂，謂入如胡麻許，即失戒也。

◎《事鈔》：成犯相有二緣。

一自有淫心向前境，縱有裏隔互障，但入如毛頭，結成大重。具四緣成：一是正境（男則二道女則三處），二興染心（謂非餘睡眠等），三起方便，四與境合，便犯。

二者若爲怨逼，或將至前境，或就其身，佛開身會制令不染。亦具四緣：一是正境（不問自他），二爲怨逼，三與境合，四受樂，便犯。

丙三、姪戒（五戒：不邪姪。八關齋戒：不姪）

丁一、誠勸（制意）

佛告諸比丘，優婆塞不應生欲想、欲覺，尚不應生心，何況起欲、恚、癡，結縛根本不淨惡業。

丁二、邪姪戒（五戒）

戊一、列示犯緣（以三緣成不可悔）

己一、犯境（四處三趣，同犯）

是中犯邪姪有四處：男、女、黃門、二根。女者，人女、非人女、畜生女。男者，人男、非人男、畜生男。黃門、二根，亦同於上類。

己二、犯相（正道，女三處、男二處；非道，餘處）

若優婆塞與人女、非人女、畜生女，三處行邪姪，犯不可悔。若人男、非人男、畜生男、黃門、二根，二處行姪，犯不可悔。

若發心欲行姪，未和合者，犯下可悔；若二身和合，止不姪，犯中可悔。

戊二、料簡雜相

己一、已配嫁、未配嫁

若優婆塞，婢使已配嫁有主，於中行邪姪者，犯不可悔；餘輕犯如上說。三處者，口處、大便、小便處。除是三處，餘處行欲，皆可悔。

若優婆塞婢使未配嫁，於中非道行姪者，犯可悔罪，後生受報罪重。

己二、同性行姪（男男）

若優婆塞，有男子僮使人等，共彼行姪二處，犯不可悔罪；餘輕犯罪，同上說。

己三、不與值、與值

若優婆塞，共姪女行姪，不與值者，犯邪姪不可悔；與值，無犯。

己四、姦屍（身根未壞）

若人死乃至畜生死者，身根未壞，共彼行邪姪，女者三處，犯不可悔；輕犯，同上說。

丁三、不姪戒（八關齋戒）

若優婆塞，自受八支，行姪者，犯不可悔，八支無復邪正，一切皆犯。

丁四、未受戒（破他梵行）

若優婆塞，雖都不受戒，犯佛弟子淨戒人者，雖無犯戒之罪，然後永不得受五戒，乃至出家受具足。

丁五、結示（淨戒不可虧犯）

佛告諸比丘，吾有二身：生身、戒身。若善男子，爲吾生身起七寶塔，至于梵天，若人虧之，其罪尚有可悔；虧吾戒身，其罪無量，受罪如伊羅龍王。